



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvngensis Ecclesiae, Ab Anno Christi
MDCXXVIII.**

Brogberen, Johannes
Coloniae Agrippinae, 1657

Decretvm X.

urn:nbn:de:hbz:466:1-14298

DECRETVM X.

Vnde lectioni sacræ Scripturæ, sanctorum Patrum, & probatorum orthodoxorum Concionatorum, aliorumque piorum librorum, continue & quotidie insistant; seque ita salutaribus instruant disciplinis, ut & alios docere possint: & cum temporis hujus ratio ita exigat, controversiis fidei diligentem navent operam.

DECRETVM XI.

Similiter Christianam doctrinam & Catechesin nunquam omittant, sed, diebus saltem Dominicis, si non & festivis, illam, juxta Synodum nostram majorem, diligenter servant. Quare & sibi & suæ curæ commissis provideant quantocius de Catechismo Germanico Canisii; quem solum doceri & haberi in Dicecesi Nostra volumus.

DECRETVM XII.

Udimagistris item intendant; sapius scholas visitent; ac advigilent, ne in suis districtibus & scholis alii libri, præterquam Catholici, doceantur. Populum hortentur, ut diligenter ad Ecclesiam accedat, invitent etiam alios, & cum ipsis humaniter agant.

DECRETVM XIII.

Magnam Seminarii necessitatem non solum Patres in Concilio Tridentino agnoverunt, verum & Nos in primo Nostro ingressu experti sumus. unde officio nostro non desuimus in eo fundando, & scholis academicis omnium scientiarum erigendis; sed, cum bellici motus ea omnino dissiparint, videbimus, ut recolligamus lapides hos sanctuarii. nec dubitamus, quin, pro debito vestro & Ecclesiæ necessitate, magno zelo, consilio & auxilio, sitis suo tempore adfuturi.

DECRETVM XIV.

Cum, per Dei gratiam, in totâ Nostrâ Dicecesi, juxta Synodum Nostram majorem, usus Calendarii Gregoriani, Breviarii Romani & Cærimoniarum receptus sit; hinc monemus, ut in hoc etiam illi se ostendant filios esse, & unitatem & conformitatem conservare velle. Cum verò, his bellorum motibus, Missalia & Breviaria, alique chorales libri distracti & annihilati sint; curavimus jam novos ad eum usum afferri. Unde omnes & singulos monemus, ut, durante Synodo, quos non habent, de iis sibi provideant. Insuper Agendam, ad usum Romanum, item Pro-

prium Sanctorum Diocesis Osnabrugensis, nec non alios, qui ad cærimonias spectant, edendos curamus. interim Colonienfi vel Romanâ Agendâ uti poterunt. Pastores omnes, uti & Vicarios ac Beneficiatos, volumus, antiquos (qui usui amplius Ecclesiæ esse non debent) à Nobis ad id deputato consignare, & ea, quæ forsân pro foundationibus, fundis Ecclesiasticis, & antiquitate, in eis notata reperiuntur, extrahere; ut, ad utilitatem, auctoritate publica, cuique loco ac personis adnotari tradique possint.

DECRETVM XV.

Si unquam tempus fuit, decorem domus Dei diligere, & ornatum munditiemque Ecclesiarum commendare ac adhibere, modò certe est. videmus enim non aras sed hasas. Quare illi, quorum interesse debet, sedulò invigilent, ut & mundities sit locorum sacrorum, & necessaria pro cultu divino successive procurentur.

DECRETVM XVI.

Dies festos, esuriales, & feriales, diligenter, juxta Nostras Synodos præcedentes, & antiquam consuetudinem, observari faciant; subditosque doceant, quidnam sit diem Domini sanctificare; præeant exemplo Pastores; ad templum etiam suos invitent; maxime post prandium, ubi fieri potest, Vesperas cantando vel *Salve Regina*; vel etiam nonnunquam aliquid breviter dicendo pro instructione, vel ex piis libris legendo, vel etiam ex libro approbato Germanicè cantando; ut ita se sancte occupent, populumque ad pietatem inducant, & vel à comportationibus vel laboribus vel ipso otio abstrahant.

Antiquam etiam consuetudinem ac modum jejuniandi, ciborumque prohibitorum diebus statutis observationem, doceant & inculcent.

DECRETVM XVII.

Sacramentorum administrationem religiosam mundamque, & in cærimonis & aliis, piè ad devotionem populi, debitis locis ac temporibus, nec non distinctè verba pronuntiando, peragant; promptos se, cum vocantur, exhibeant; nec ita moras trahant, ut, suâ culpâ, ulla Christiana anima periclitetur.

DECRETVM XVIII.

Virtutem, vim, ac necessitatem Sacramentorum, populum diligenter assidueque doceant, & ad ea percipienda hortentur; maxime, ut Sacramentum Poenitentiae in anno frequent, admoneant; ægrotos invisant;